



EMBRACE

EBCC MUMBAI MONTHLY NEWSLETTER



EBCC Mumbai, Christmas Ni, 2018 lopna program at New Bombay Alliance Church, Vashi

JANUARY KHA BIAKNA HUNZEEK

13.01.2019 Biakna Hunzeek

Patna thumna –Nu Biakching Tunglut
 Phatkhawmna –Worship Team
 Testimony Sharing: if any
 Thupuanna : Local Secretary & others
 Thohlawm lantu – Local Chairman
 Sehtuam lasa - BCD
 Sehtuam lasa - Pastor & family
 Thugenna - Upa Capt(IN) Lalsuonglien
 Tonsing
 Phatkhawmna: WT
 Vualzawlna - Thugentu

20.01.2019 Nipini Skul

Patna thumna – Nu Chiinnunmawi
 Phatkhawmna – Worship team
 Thupuanna – Local Secretary & others
 Thohlom Lantu: Upa T. Roumuan
 Special no.: Pa S. Kaikhanthang & family
 Sinlai Sinsakna: Sinsaktu
 Phatkhawmna: WT
 Vualzawlna – Local Pastor

27.01.2019 – Toupa' Annuang

Patna thumna – Nu Manlianniang
 Phatkhawmna – Worship team
 Thumkhawmna pitu - Worship team
 Thupuanna – Local Secretary & others
 Thohlom lantu - Upa Capt (IN)Lal-
 suonglien Tonsing
 Thugenna: Pastor
 Toupa'annuang saituu: Pastor & Upate
 Phatkhawmna: WT
 Vualzawlna – Local Chairman

GREETINGS FROM LOCAL PASTOR

Amasa in Saptuam mite i Toupa Jesu Khrist' min in **Kumthak Chibai** kon buk hi. Huan ah Kumthak 2019 tan a hon pi kai i biak Pathian kiangah kipahtu i gen hi. Kum lui hun paisate i nung etkik chiang in eilam pang ah ana huchizodeuh kha leng chihna ding tampi ikimu ding in ka gingta hi. Hih khial, gen khial, pai khial, sem khial kisak luatna bang om ding in kagingta hi. Pathian in ihihna bang a hon thuk di hileh zaw a hing a dam ding leh kum thak mu ding kuamah ki-om ding in kagingta kei hi. Himahleh Pathian hehpihna ziak lel a kum thak kikhekna, kibawlthakna leh panlak thakna hun mu lai ihih man in Toupa kiang ah kipahtu genni hang! Toupa deih bang hi hiam chih theih sawm in A deih lampi zui in a nna sem ni. **Pathian pomtak biakna** i neihteih na ding in, Pathian pomtak innkuan i kipi theih na ding in, Pathian pomtak kithuahkhawmna i neihteih na ding in, Pathian pomtak programte i bawl theih na ding in Toupa mai ah kitamkham in, bokhia ni, kiluikhe ni maw. **Pathian lungtuak biakna/kithoihna** i hong hihtheih na ding in i pumpi - kha, hinna, sapum leh lungtang lan khe ni (Rom. 12:1).

GUEST EDITORIAL

“Khristmas Na Zang Nuam Na Uh Hia?” Chih Ki Dot Tuak Mah Hia?

Khrismas 2018 I zangzou nawnta a, innkuanpih te, lawm leh vualte I ki dot tampen uh ahileh, “Khrismas na zang nuam na uh hia?,” chih toh, “Na bangchi zat ua?” chih ahitang pi hi. Hiaite I dawnna tangpi te uh: “*Kikhawm ka tam khopmai uh, biakinn dimlet, lenkhop le nuam, bawng/kel/lawi ka gou ua, hichi khachi in ka huan ua, lim kasa mahmah uh,*” “*Khrismas Ni khat/nih/thum annkuanguina in ka zang uh,*” “*Kumthak le huai mah bang in damleh zat ka sawm uh.*”

Ahileh, khalam ah bang muhsuah thak, theihkhiat thak, pomthak, zuih di thak leh paisan/koihkhiat thak di na nei a? chih I ki dong vang mahmah uhi. Khovel hihdan tangpi zui in, a mass (lopna/celebration) kia ah I hun, tha leh zung leh lungsim te uh I seng uhi. Jesu hong pianna lopna tan ah I beisak ua, bangziak a hong piang a, a sihna tan I ngaihtuah utkei/peihkei naak uhi. I huchih ziak un, ginglou mite toh Khrismas I lopdan un bang ahia a kilamdanna?

Khovel in le hiai hun hon naak loppih lawtel uh ahi. Ginglou mite tata bang phur zaw in, a Santa Claus e, Christmas Tree e, inn chei chihkhong ah phe tetet zoen uhi. Tuni'n ah nang Pathian Hing (A GOD who's not affected by Time, Space and Matter and who holds billions of stars and the universe in His hand – **Isaiah 40, Hebrews 1:10, et al**) betu leh neitu na/ka kichih leh, bang chibang a kilamdang in na lawm a le? Kumdang mah bang a, routine leh tradition dan a lawmbei nawn mai na hi hia?

I Khrismas lopna ziak in I Toupa Jesu Khrist hondampa leh Kumpipa dia pomna bang, khial a nungtolh kha te adia thohkikna ni bang, nungzuihna a pan ka lathak di chi a thupukna I bawlina ni leh hunte bang hileh Khrismas lawm lohching I hi zaw kei dia hia? I Khrismas leh Kumthak program te ziak in Khalam ah bang phattuamna na neiheh a? Hiai pen hiveh aw a POIMOH masa penpen. Khalam a halhthakna leh punbehna (gain) bangmah gen di neilou na/ka hih leh zaw, ginglou mite toh Khrismas/Kumthak na/ka zatdan a KIBANG hileh veh.

“Blessed Is He Who Expects Nothing” Chih Di Mah Ahi Diam?

Hotdamna chialpi, camp leh khawmpi tuamtuum leh nipi kalkhat sung in kikhopna atawmpen in khatvei bek kinei hi (Eilak ah kikhopna hun kinei tamlua ade aw, chih bang le hunlem dang a houlim di'n siit ni). Hiai hunte ah Pathian apat 'expectation/lametna' toh na kuan ngei hia? Na kikhop ahileh Khrismas lopma in Toupa kiang ah khalam a theihbeh di, punbeh di, leh zuih di hon theisak in, chiin na thum sek hia? Ahihkeileh, kikhawm di ahihziak a kikhawm dia kuan top mai. Khrismas lopdi ahihziak a, ahun hong tun chiang a lawm in huchia beisak mai sek na hi/ka hi hia?

Chialpina leh Camp khong I neihek chiang un, thumna I pibawl mahmah ua (ahi ding mah le ahi), huaimah bang in, ken** tukum Toupa kiang ah, Khrismas program zatna apat in Na Thu theihsemna, zilbeh leh zuih di khat leh nih hiam hon theisak in chiin kana thum hi. (** *Hiai kon gen ziak a kei khah midangte sang a khalam a hatzaw hiam Pathian naih zou zaw ahihkeh a nung zui zou zaw ka kichihna hi hetlough ahi. Pathian in ka thumna mawlchik leh bukimlou takmai hon dawnna testimony hon genkhiat sawm hizaw ka hi*).

Contd: Next Page

Program ka zatna ua lenkhop hun in, nidang a le ka theihluat sa leh kisa sek "Mel In Thei Ning" chih laa ah "Hon **GUMPA** tuah masak penpen ka ut" chihna lak in ka lungsim hong luah in, asak lai nangawn in, Toupa Jesu kei hon GUMPA ahidhan kon ngaihtuah sau mawk hi. I Toupa Jesu in Krismas ni a mikhial kei adia hong piang (a sih di leh sih didan tengteng theikhin sa a hong piang hilai), a Hotdamna lel le hunlua ahilhai in, I biak Pa Pathian mai ah hunteng in honna GUM (defend, shield, uphold, cover) den ana hi didan eive, chih khong kon ngaihtuah tou hi.

I biak Pa Pathian khah **SIANGTHOU, SIANGTHOU, SIANGTHOU (Kilakna 4:8, Isai 6:3)** law-tel inchin, ei mihing khelhna toh omkhawm leh kibual gige te adia naihvual hiteuhlou. Jesu tatna ziak leh a itna, hehpihna leh zahngaihna ziak keleva (grace upon grace) a SIANGTHOU Pathian mai a dembei hilel tak kihi inchin. Pianken khelhna bak ah ka niteng khelhna te, nungzuihna a ka pukna leh thumanlouhna, thulimlouhna te kha hunteng a PA mai a honna GUM den ahidhan ka phawkkhe thakthak a, Toupa min ka phat ahi.

Huaiziakin, ka thumna chinglou leh mawltak mai Pa Pathian in hon dawwna ah tu'n chu tukum Krismas na zang nuam na uh hia, chi a hong kidot Chiang in a dawn didan Toupa'n hon peta hi. Zilkhiat/theihbeh/zuih di khat leh nih hiam chauh hon pia in chi a ka thum; tamlaw leh le ka zui zou tuankei ka chih mai ahi.

Hichidan mah in, hiai simkha tengteng in, I kikhop dek Chiang in, Saptuam a program omdo Chiang in, khalam a agah mu di'n thumna toh expectation/lam-et khat leh nih hiam bek toh kuantu ni maw. Program a thugenna tungtawn bang in, biakpiakna leh phatkhawmna te apat bang in Toupa houpihna, na thumna leh dei (desires of your heart) te dawwna hong tung thei gige ahi.

Mary (**Luka 10:38-42**) bang a tanhoih telzaw thei ding in Toupa hon vualzawlta hen.

~ Lalhmangaih Hauzel

DEPARTMENTAL UPDATES

TBYF:

1. BYF in kum 2018 sung a Laisiangthou ana simsuak saptuam sung a mi 5 te kiang ah kipah-pih etsakna in thilpiak ana kipia hi.
2. Tukum 2019 ding a masapen ding in tarik 5-01-2019 in Pastor Quarter ah BYF Committee meeting om hi. Hiai hun a tukum sung a Year Plan leh sepsuah ding tuamtuum te genkhawmna om hi.
3. BYF member Tv Kamkhanmung Ngaihte in hong tung ding tarik 11 January 2019, 1 PM in G. Mualkawi EBCC ah koppih nei ding hi. Hiai hun uap thei te'n va uap sausiau ni.

PRAYER CELL UPDATES

NAVI MUMBAI PRAYER CELL

December kha Navi Mumbai prayer fellowship atuam in kinei lou hi. Himahleh, date 31.12.2018 ni a Pa John Sektak inn Sector 03, CBD Belapur ah kumlui 2018 khak leh kumthak 2019 lopna ki nei hi. Hiai hun in tampi kipai khawm thei a, leenkhawmna hun nuamtak kinei a, atel khaten nuam kisa mahmah hi.

ANTOP HILL PRAYER CELL

Antop Hill prayer cell in 29/12/2018 in Pa Dinglian te inn ah Pa Houmang conduct na in fellowship nuamtak leh manpha tak ana ki nei a, open sharing hun in apai khawm teng in tukum 2018 sung a Pathian apat vualzawlina a dong dan uh suutna leh kipahthu genna in kizang hi.

Pathian in a hon lemsakpih ngei lamem in next Antop Hill fellowship program tarik **12/01/2019** nitak dak 4.30 in **Ngk. Lynda Nenem** te inn ah neih ding in lemigel ahi.

KALINA PRAYER CELL

December khabul lam Saturday nitak teng in Kalina prayer cell kanei zel ua. Kipahthu genna sharing leh thumkhawmna ka nei uhi.

Christmas Eve, Dec 24th Monday nitak in ah leenkhawmna leh Christmas damtaka zangthei dia Pathian in honpi na kipahthu genna kanei uhi. Dec 31st nitak in Kumlui khakna program Pastor quarter ah ana kinei a. Kalina prayer cell kia hilou in Saptuam apan mi tuamtuum in hong uap hi. Dinner nekkhawmna leh leenkhawmna in hun tampen kizang hi. Kipolh limna leh entertainment toh hun nuamtak in kazang uhi. **Saptuam tengteng 'Happy New Year 2019'**



January 2019

Akash Deep Pandhare - Jan 01
Chingbiakhoih - Jan 02
K.Haumalsawm - Jan 11
Kimlunniang - Jan 11
T. Khualliansang - Jan 13
S.Kaikhanthang - Jan 17
Zamlan Guite - Jan 18
N.Thangzamang - Jan 27
Nianghoihching - Jan 29
Catherine Vungremmawi - Jan 30

Happy Wedding Anniversary

K.Khamkhochinthang & Paul
Muanching - 29th January

EMBRACE BIBLE QUIZ - 008

[Portion: Levitikitas 21-27]

Q1. Bang chi bang te hih lup tei² ding ahi ua?

Q2. Giahmun a kisial te lak a Pathian min gensia pen nu min gen in?

Q3. Israel te buh phal tawite Toupa mai a pomsak ahieh theihna dia bang hih ding achi a?

Q4. Toupa'n Israel tate kiang a thuman ziaka vualzawlina a chiamte khat gelh in.

Q5. Toupa'n Israel tate kiang a thumanlouh ziak a gawtna tung ding a gente khat gelh in.

Quiz toh kisai theihaukte:

1. Embrace Newsletter a suah teng in Bible Quiz leng a om zel ding.
2. Quiz portion di Quiz saitau te'n hoih a saksak uh a hon taklang tawm zel ding uh.
3. A dawng dik tampen mi 5 tan kipahman piak ahi zel ding. A dawng dik mi 5 sang a tam zaw a om leh lottery system zat ahi ding.
4. Na Quiz dawwna ahieh leh Biakinn mun leh WhatsApp tungtawn inle a piak theih ding.
5. Na dawwna pen Kha teng a last Sunday tan a piak kim teitei ding ahi.
6. Bible zat ding ahieh leh BSI Latest edition ding ahi.

Theih beh nuam neite leh Quiz dawwna submit nuam te'n

Contact- Lynda Nenem(7506150318) Kamung Ngaihte(8974956514) Thangvumsang Guite(8433634599)

WINNERS, BIBLE QUIZ - 007

> Nu Kamching, Panvel